

古
今
詞
統

古今詞統卷七

杭州

卓人月蕊淵彙選

徐士俊三有叅評

醉花陰

重陽

李清照

薄霧濃雲愁永晝。瑞腦噴金獸。佳節又重陽。寶枕紗
廚。半夜秋初透。○東籬把酒黃昏後。有暗香盈袖。莫
道不消魂。簾櫳西風人似黃花瘦。

康詞比梅
花瘦幾分
一蛇一直
兩得其宜

瑯嬛記云易安以重陽醉花陰詞函致明誠明誠

醉花陰

嘆賓自濯弗逮務欲勝之一切謝客忘食忘寢者
三日夜得五十闕難易安作以示陸德扶德扶玩
之再三曰只三句絕佳明誠詰之答曰莫道不消
菟簾捲西風人似黃花瘦政易安作也○霧俗本
作雲非也薄霧濃霧出中山王文木賦

秋思

劉基

樓外斜陽低半樹。雖好難留。樹裏有鳴蟬。似訴衷
情。哽咽風前語。○碧雲不見蓬萊路。青鳥今何處。莫
更倚闌干。愁上心頭。無計推他去。

劉蛻孫樵
筆意

超然塵垢
之外

朱 灝

楓色然亭空漫醉。漁復鷗能記。雲葉下重崖。風不鳴
條。欲穩衰紅睡。驚秋絡緯聲無次。螢光殘。燈始涼
夜。水爭天。一段琉璃。半托銀蟾出。始出俱去聲。

憶餘杭

本意

潘 閬

長憶西湖湖水上。盡日凭闌樓上望。三三兩兩釣魚
舟。島嶼正清秋。○笛聲依約蘆花裏。白鳥成行忽飛
起。別來閒想整綸竿。思入水雲寒。

詞苑

卷七

醉花陰

憶餘杭

二

牆中作詩
鐘樓題詩
張起事

此詞一時盛傳東坡愛之書于玉堂屏風○潘道
遙大名人通易春秋尤以詩知名爲王鑑愚所薦
太宗召賜進士第尋察其狂妄罷之出入盧多遜
門下多遜交通秦王圖預有謀焉多遜敗閭奔避
多遜鄰家曰萬無復近之理所謂弩下逃箭也其
鄭、匡之、陪、中、閨、作、詩、曰、不、信、先、生、語、剛、來、帝、里、遊、
清宵無好夢白日有閒愁事稍解服僧服兒鬚髮
五更時磬出宜秋門變姓名入中條山朝廷圖形
捕之不得忽題詩舒州寺中鐘樓上云頑童趁暖

貪春膳。忘却登樓打曉鐘。縣令孫僅見詩曰。此必
漸逍遙也。命召之。已亡去。投故人阮道時爲秦理
棧。諷秦帥賈武惠上言。太宗赦其罪。以四門助教
處之。真宗朝。王繼恩收籍其家詩。頌滿門事連宮
禁。園自疑欲逃去。京兆尹先收繫獄。上聞之。詔一
切不同。以圖爲滁州參軍。卒。泗上嘗留題華山云。
高愛三峯棒。太虛昂頭吟。望倒騎驢。傷人大笑。從
他笑。終擬全家向上居。好事者取入畫圖。國朝阜
侍郎敬幼時讀書寶香山中。夜歸遇雨。避入小院。

本注留湖
乃後歷與
建文君正
道意

落有老翁起相勞苦命童子然枯葉爲郎君燎濕
衣敬向童子問翁姓童曰翁不欲人知其姓但道
稱逍遙翁少頃翁呼童子取吾舊籠來出詩僧帽
贈敬敬曰書生將期匡濟天下翁安得以此相戲
翁曰吾昔亦嘗有志斯世後因所輔非材不用吾
謀禍幾不測得此一籠始獲解脫不然豈復能生
出宜秋門乎郎君第收此帽他日當自理會也敬
堅不受翁但再三嘆息而已敬遙窺籠中諸物悉
工匠所用及僧家衣鉢耳徐命牽一牛送敬牛行

甚駛須臾及門牛化爲黑虎而去此明尋訪其居
不可待有一古廟彷彿是雨夜所經者壁上有潘
閬夏日宿西禪院詩云此地絕炎蒸深疑到不能
夜涼知有雨院靜若無僧枕潤連雲石窗明照佛
燈浮生多賤骨時日恐難勝後卓敬死華涂之難

南歌子

第三體一名南柯子一名望秦川

東堂小酌賦秋月

毛滂

庭下新生月憑君把酒看不須直待素團圓恰似那
人眉樣秀彎環○冷射鴛鴦瓦清欺翡翠簾數枝烟

竹小橋寒漸見風吹疎影過闌干。

寄楊光輔

程垓

稼軒風雨
空山招得
海棠覓並
美

淡靄籠青瑣。輕寒薄翠綃。有人顚顚帶寬腰。又見東
風不忍見柔條。○悶酒尊難盡。閒香篆易消。夜來溪
雪已平橋。溪上梅。覓憑仗。一相招。

史達祖

采綠隨雙槳。看山藉一筇。關南桃樹幾番紅。昨夜詩
情頻在雨聲中。○花遲無雲隔。苔垣有夢通。舊歡一
餉可過從。試覓鴛鴦新杏簡。春風。

張功甫曰讀史生詞如行帝苑仙瀛輝華絢麗欣
盼駭接又曰史生之作辭情俱到織綃泉底去塵
眼中妥帖輕圓特其餘事至若奪茗艷于春景起
悲音于商素有瓌奇警邁清新閒婉之長而無詭
蕩汗濡之失端可分鑣清真平睨方回紛紛三變
行輩不足比數又曰史生滿襟風月鸞陰鳳嘯鏘
洋乎口吻之際者皆自漱滌書傳中來爲之弄清
以行世

贈陶心兒

秦觀

你共人女
邊着子爭
知我門裏
挑心對此
則認

玉漏迢迢盡，銀潢淡淡橫。夢回宿酒未全醒。已被鄰
雞催起，怕天明。○臂上粧猶在，襟間淚尚盈。水邊燈
火，漸人行天外。一鈎殘月帶三星。
末句隱心字

新月

洪 荼

柳浪搖晴沼，荷風度晚簷。碧天如水印新蟾。一鱗清
光斜露，玉纖纖。○寶鏡微開匣，金鈎未押簾。西樓今
夜有人，吹。應。依。妝。臺。似。照。畫。眉。尖。

宋有一婦人咏中秋月押尖字云：蚌胎光透殼，犀
角。暈。盈。尖。

二眉勝一
鉤多多許

妓館

謝逸

雨洗溪光淨。風掀柳帶斜。畫橋朱戶是誰家。簾外一
眉新月。淡梨花。金鴨香凝袖。銅荷燭映紗。鳳鸞官
錦小屏遮。夜靜寒生春笋理琵琶。
是誰家一作玉人家

山中夜坐

辛棄疾

世事從頭減。秋懷徹底清。夜深猶送枕邊聲。試問清
溪底事。未能平。月到愁邊白。雞先遠處鳴。是中無
有利和名。因甚山前未曉有人行。

新開池戲作

辛棄疾

詞統

卷七

南歌子

六

四箇四兒
但見其雅
不見其穉

散髮披襟處。浮瓜沉李時。涓涓流水細侵階。盤箇池兒。喚箇兒來。○畫棟頻搖動。紅蕖盡倒開。鬪勻紅粉照香腮。有箇人兒。把箇鏡兒猜。

獨坐藤菴

辛棄疾

可發解省

玄入參同契。禪依不二門。細看斜日隙中塵。始覺人間。何處不紛紛。○病笑春先到。閒知懶是真。百般啼鳥苦撩人。除却提壺。此外不堪聞。

有感

蘇軾

笑怕薔薇。行憂寶瑟。僵美人依約在西廂。只恐暗

公何即會
說說妝
伴臂之意

中迷路認餘香。○午夜風飄幔，三更月到牀。簾紋如水玉肌涼，何物與儂歸去有殘粧。

隋煬帝夜凭蕭妃肩說東宮時事適有小黃門睨
薔薇叢調宮婢雅娘衣帶爲薇刺胃結笑吃吃不
止○唐朱延壽爲楊行密將欲絕行密密乃諍云
病目行觸柱僵召延壽殺之

舞妓

蘓軼

雲鬢裁新綠霞衣曳曉紅待歌凝立翠筵中一朶彩
雲何事下巫峯○趁拍鸞飛鏡回身燕漾空莫辭張

不可無馮
侍郎持履

袖過簾櫳怕被楊柳勾引
東風

端午

蘇軾

絕無汨羅
套語

山與歌眉歛波同翠
眼流遊人都上十三樓
不羨竹西歌吹古揚州
○菰黍連昌歎瓊彝倒
玉舟誰家水調唱歌頭
聲遶碧山飛去晚雲留

詞品曰漢書五城十二樓
仙人居也坡詞十三樓
用杜牧亭亭嫋嫋十三
餘之句永樂中晏振之
金陵詩花月春江十四
樓蓋洪武初建來賓重
譯清江石城雀鳴醉仙
樂民集賢謳歌鼓腹輕
烟淡粉

城眉不肯
讓入即在
入時句中

梅妍柳翠十四樓于南京以處官妓時未禁縉紳
用妓也○沈天羽云周顯德中許京城民居起樓
閣大將軍周景威于宋門內臨汴水建樓十三間

美人

歐陽修

鳳髻金泥帶。龍紋玉掌梳。去來窗下笑相扶。愛道畫
眉深淺入時無。○弄筆偎人久。描花試手初。等閑妨
了繡工夫。笑問鴛鴦兩字怎生書。

朱慶餘詩粧罷低聲問夫婿畫眉深淺入時無

秋日

僧揮

子京紅杏
開仰殊荷
花開若相
襲也

十里青山遠，潮平路帶沙。
數聲啼鳥怨年華。又是淒涼時候，在天涯。
○白露收殘月，清風散曉霞。
綠楊堤畔，鬧荷花。記得年時沽酒，那人家。

春京

田不伐

夢怕愁時斷，春從醉裏回。
淒涼懷抱向誰開。○子清明時候，被鶯催。
○柳外都成絮，闌干半是苔。
多情簾燕，獨徘徊。依舊滿身花雨，又歸來。

詠粧

林章

說甚脂和粉，憑他翠與珠。
妝成把鏡自躊躇。○愁殺美

正是自
之極

善化楊時
可待倩東
風吹夢過
江城句意

客一朶水中孤。香汗薰羅帶。紅啼染素襦。都將料
擲向隣姑。却問誰家有女醜如奴。

題南柯夢

湯顯祖

玉茗新池雨。金柅小閣晴。有情歌酒莫教停。看取無
情蟲蟻也。開情。國土陰中起。風花眼角成。契玄還
有講殘經。爲問東風吹夢幾時醒。

望江東

黃庭堅

江水西頭隔烟樹。望不見江東路。思量只有夢來去。

更○不○怕○江○關○住○。○燈○前○寫○了○書○無○數○，○等○沒○箇○人○傳○與○。
直○饒○尋○得○雁○分○付○，○又○還○是○秋○將○暮○。

青門引

懷舊

張先

乍○煖○還○輕○冷○，○風○雨○晚○來○方○定○。○庭○軒○寂○寞○近○清○明○，○殘○花○
中○酒○，○又○是○去○年○病○。○樓○頭○畫○角○風○吹○醒○，○入○夜○重○門○靜○。
那○堪○更○被○明○月○，○隔○牆○送○過○鞦韆○影○。

尋芳草

嘲陳莘叟憶內

辛棄疾

秋金在屋
似古詩老
女不嫁
地喚天等
語

有得許多淚。更聞却許多鶯。被枕頭兒放。戲。都不是。
舊家時。忽坐。脚。更也沒書來。那堪被雁兒調戲。道。
無書却有書。中意排幾箇人人字。

迎春樂

秦觀

萼蒲葉葉知多少。唯有箇蜂兒妙。雨晴紅粉齊開。了。
露一點嬌黃小。早是被曉風力暴。更春共斜陽俱。
老。怎得香香深處。作箇蜂兒抱。

詞妙日香香。恐是當時語。不必改作花香。

小兒女嬌
遊八景一
墮情坑不
復可得

沒來由斷送春無價。一種種鶯花謝。芳心且付鞦韆。
耍汗濕透芙蓉衩。○整備着蘭湯浴罷。悄立向木香
棚下。驀地羅裙吹起笑。把東風罵。

晉歌羅裙易飄颻小開罵春風

怨主孫

春暮

李清照

夢斷漏悄。愁濃酒惱。寶枕生寒。翠屏向曉。門外誰掃。殘紅夜來風。○玉簫聲斷。人何處。春又去。忍把佳期。

負此情此恨此際。擬託行雲問東君。

李清照

帝里春晚。重門深院。草綠堦前暮天雁。斷樓上遠信
誰傳。恨綿綿。多情自是多沾惹。難拚捨。又是寒食。
也。鞦韆巷陌人靜。皎月初斜。浸梨花。

元詞多以
也字叶成
妙句殆祖
此

劉基

鱗羽修阻。佳人何處。水落山寒江空歲暮。明鏡飛土
青天照無眠。海風裂地鯨魚死。三萬里水擊蓬萊。
徙不禁。清淚暗裏洒向孤燈。結成冰。

春病

王世貞

因輪盤想
見平蕪碎
心隨車轉
矣

無奈春去弄晴弄雨。醺綠醺紅。嫩寒柔暑。離外誰展
新蹊。乳鳩啼。五陵洶壁斜陽外。輪聲腕幾點。平蕪
碎。獨餘病骨依舊。掩却簾櫳。怕東風。

寄思

王世貞

昭代如伯
溫純叔圓
厚朴老元
美升庵法
無不盡情
無不出位
然初盛之
分

愁似中酒難禁。所守纖雨黏雲。困花酣柳。猛見雙鶴
金翹暗翳消。那人偏自沾情緒。丟不去。只傷眉峯。
住。情他夢裏相會。無那嬌鶯兩三聲。

錢繼章

花尖二字
尖甚

山遠月小。漏遙人悄。短夢難羈。孤余擁曉。簾外微透。
霜寒在。花尖。秦樓消息同秋靜。空盼斷北雁南來。
信。誰將此恨說與。深掩重門。怨王孫。

春病

程 靜

誰與獨處。病添幾許。藥煮春愁。香揔夢語。又報樓上。
新晴。小鶯聲。那人想也春相殢。醒來未。花影窗前。
碎。可憐消瘦盡也。錦字千行。斷人腸。

月照梨花

黃 昇

有花間遺
意

畫景方永。重簾花影。好夢猶酣。鶯聲喚醒。門外風絮
交飛。送春歸。○修蛾畫了。無人問。幾多別恨。淚洗殘
粉。不知郎馬何處嘶。烟艸萋迷。鷓鴣啼。

望江南 第二體

李後主

多少恨。昨夜夢魂中。還似舊時遊上苑。車如流水馬
如龍。花月正春風。○多少淚。斷臉復橫頤。心事莫將
和泪說。鳳笙休向泪時吹。腸斷更無疑。

吳文英

惜而不終
惜而不終
惜而不終

三月莫花落更情濃人去鞦韆閒挂月馬停楊柳金
嘶風堤畔盡船空○厭厭醉長日小簾櫳宿燕夜歸
銀燭外啼鶯聲在綠陰中無處覓殘紅

僧 樵

成都好蠶市趁遨遊夜放笙歌喧紫陌春邀燈火上
紅樓車馬隘瀛洲○人散後蘭館喜綢繆柳葉已饒
烟黛細桑條何似玉纖柔立馬看風流

樂城文眉人以二月望日鬻鐵器謂之蠶市

歐陽修

安知非此
夫提馬此
詞如周泰
行紀之出
千替皇落

江南柳葉外未成陰入爲綠輕那忍折鶯憐枝嫩不
勝吟留取待春深○十四五開抱琵琶尋堂上銀錢
堂下走懸時相親已留心何況到如今

歐公有盜甥之疑上表自白云喪厥夫而無託
孤女以來歸張氏此時年方七歲錢穆女素恨公
笑曰正是學簸錢時也歐知貢舉時下第舉人復
作醉蓬萊詞譏之

浪淘沙 第二體一名賣花聲

在汴京念秣陵作

李後主

金玉句金
非文人自
命

往事只堪哀。對景難排。秋風庭院蘚侵階。一片珠簾
閒不捲。終日誰來。○金歛玉沉埋。壯氣蒿萊。晚涼天
靜。月華開。想得玉樓瑤殿影。空照秦淮。

李後主

花歸而人
不歸。感
良深。若作
春去也便
犯春意句

簾外雨潺潺。春意闌珊。羅衾不耐五更寒。夢裏不知
身是客。一餉貪歡。○獨自莫憑欄。無限江山。別時容易
見時難。流水落花歸去也。天上人間。歸訛作春

旅况

劉克莊

紙帳素屏遮。全似僧家。無端霜月闌窗紗。喚起玉關

征戍夢幾疊寒茄。○歲晚客天涯。短髮蒼華。今年衰
似去年些。詩酒新來都減價。孤負梅花。

丁未生日

劉克莊

去歲詣公車。天語勤渠。絳紗玉斧照寒儒。恰似昔人
曾夢到。帝所清都。○骨相太清臞。謫墮須臾。今年黃
初換。稱呼只爲此翁霜鬢禿。老不中書。

有得越中故人贈楊梅者爲賦贈

吳文英

綠樹越溪灣。過雨雲殷。西陵人去莫潮還。鉛淚結成

紅粟顆封寄長安。別味帶生酸。愁憶眉山小樓燈
外。揀花寒衫袖。醒痕花唾在。猶染微丹。

春雨

蕭垞所

未句情出
字外
濕逗晚香殘。春雨春寒。灑窗填戶着幽蘭。慘慘悽悽
仍滴滴。做出多般。和霰撒珠盤。樓上更闌。芭蕉愁
曲帶愁彈。綠遍階前。一片曉起誰看。

中秋雨

蕭垞所

愁似晚天雲。醉亦無憑。秋光此夕屬何人。貧得今年
無月看。留滯江城。夜起候簷聲。似雨還晴。舊家誰

信此時情唯有柱香時入夢勾引詩成

懷歸

僧德洪

共望臺中
慈氏直如
秋公望母

城裡久偷閒塵泥雲彩此身已是再眠驚隔岸有山
歸去好萬壑千巖○霜曉更凭闌滅盡暗嵐微雲生
處是○非庵試問此生誰作伴彌勒同龕

兜範自序云余留南昌久而忘歸獨行無侶意緒
蕭然偶登秋屏閣望西山於是浩然有歸志作長
短句寄思○稽遂良書久棄塵世與彌勒同龕一
食清齋入時禪誦

別恨

唐 潘

想頭愈奇
愈痛

綠樹暗長亭、幾把離尊、陽關常恨不堪聞、何況今朝、
秋色裏、身是行人。○清淚浥羅巾、各自消魂、一江離
恨、却平分、安得千尋、橫鐵鎖、截斷江津。

晉王濟傳吳人於江磧要害處鐵鎖橫截之又爲
鐵錐長丈餘暗置江中濟作大筏令善水者以筏
行遇鐵錐著筏而去又作火炬灌以蔴油遇鎖燒
之須臾融液斷絕

山寺夜作

辛棄疾

夜半鐘聲
到客船人
或疑之此
詞添一誤
字便明

忽用史記
項羽贊巧
合

身世酒盃中。萬事皆空。古來三五箇英雄。雨打風吹
何處是。漢殿秦宮。○夢入少年叢歌舞。匆匆老僧衣。
半誤鳴鐘。驚起西窗眠不得。捲地西風。捲一作滿

賦虞美人艸

辛棄疾

不肯過江東。玉帳匆匆。只今草木憶英雄。唱着虞兮
當日曲。便舞春風。○兒女此情同。往事朦朧。湘娥竹
上淚痕濃。舜且重瞳堪痛恨。羽又重瞳

閨情

歐陽修

簾外五更風。吹夢無踪。畫樓重上與誰同。記得玉釵

雁傳書事
化得新奇

斜撥火寶篆成空。回首紫金峯。雨潤烟濃。一江春
浪。醉醒中。留得羅襟前印。淚彈與征鴻。

題酒家壁

周文璞

還了酒家錢。便好安眠。大槐宮裡着貂蟬。行到江南
知是夢。雪壓漁舡。盤薄古梅邊。也是前緣。鵝黃雪
白又醒然。一事最奇。君記取。明日新年。

詞品曰周文璞宋淳熙間人義取郭璞故字晉仙
詩詞好奇怪時以爲不減李賀有題鍾山詩往在
秦淮間六朝江頭只有女吹簫。昭陽太極無行路。

孫光憲
庭疎雨
春愁似此
五字石

幾歲鵝黃土柳條。嘗云花間集只有絲雨濕流光。
五字微妙其浪淘沙詞飄逸似方外塵表又因字
晉仙遂誤傳爲仙作

題臨川驛壁

余叔柔

雨溜和風鈴滴滴。丁丁做成一枕別離情。可惜當年
陶學士。孤負郵亭。○邊雁帶秋聲音信難憑。花鬢偷
卜數歸程。料得到家秋正晚。菊滿寒城。

一作金淑柔寶祐間女郎

旅况

朱希真

真傷心人
作假曠達
語

風約雨橫江。秋滿蓬窗。箇中物色儘淒涼。更是行人行未得，獨繫歸航。○擁被換殘香。黃卷堆牀。悶愁展恨，剪思量。伊是行雲，儂是夢休，問家鄉。

感舊題龍門

幼卿

極目楚天空。雲雨無蹤。謾留遺恨鎖眉峯。自是荷花開較晚，孤負東風。○客館嘆飄蓬。聚散匆匆。揚鞭那忍驟花驄。望斷斜陽人不見，滿袖啼紅。

此詞見女史不著其姓

閨思

顧仲從

二詞可掩
唐子畏嬌
女賦

生小學詩篇嬌聲瑤牋春來獨自在花前謝女簾櫳
飛柳絮有句難傳○香夢逗春烟一晌畱連吟情多
半爲花牽還憶從郎徵險韻譜入冰絃

顧仲從

生小弄冰絃未撥先憐溜鶯嬌燕語春烟一點幽情
傳未得殘月窺簾○銅雀鎖嬋娟驚數流年小桃窗
下背花眠誰唱西陵腸斷句夢到君邊

春情

楊慎

春夢似楊花繞遍天涯黃鸝啼過綠隄紗驚散香雲

起句從山
谷好夢隨

春遠者知
好夢往隨
飛絮二句
來

飛不去。篆縷烟斜。○油壁小。香車水。渺雲除。青樓珠箔。那人家。舊日羅巾。今日淚。濕盡韶華。

楊慎

靈鵲噪重簷。幾度虛占。錦江春水。隔鵲鵲。怕見雕梁。雙燕子。常下珠簾。○離恨惱江淹。彩筆慵拈。碧雲離合。暮山尖。伴我歸心。和別夢。只有銀蟾。

杏花天

清明

史達祖

軟波拖碧。蒲芽短。畫樓外。花晴柳暖。今年自是清明。

浪淘沙

杏花天

十九

馮鼎風雨
剪斷畫雨
絲絲

雖刺心者
地不過與
數斤肉相
似唯妙句
足以自明

晚便覺芳情較懶。○春衫瘦。東風剪。剪逼花塢香吹
醉面歸來。立馬斜陽岸。隔水歌聲一片。

姜堯章云。史邦卿之詞。奇秀清逸。有李長吉之韵。
蓋能融情景于一家。會句意于兩得。

史達祖

扇香曾靠腮邊粉。舊塵埋月輪有暈。南風未似愁來
近。前事臨窗隱隱。○涼花畔雲歌露飲。夢斷了終難
再問。鴛鴦帶上三生恨。將淚揩磨不盡。

春愁

高觀國

遠山學得修眉翠。看眉展春愁無際。而痕半溼東風外。不管梨花有淚。西園路青鞵暗記。怕行入秋千徑裏。一春多少相思意。說與新來燕子。

高觀國

卽此見作
詩之難
不足帶

霽烟消處寒猶嫩。乍門巷悵悵晝永。池塘夢草魂初醒。秀句吟春未穩。○僊源阻春風瘦損。又燕子來無芳信。小桃也自知人恨。滿面羞紅難問。

謝惠連十歲能屬文。兄靈運嘗于西堂思詩。竟日不就。忽夢惠連。卽得池塘生春草之句。

所以毛滂
咏燈花云
猶把繡簾
遮定不教
風雨侵凌

吳文英

鬢棱初剪玉纖弱。早春入屏山四角。少年買困成歡
謔。人在濃香綉幄。○霜絲換梅殘夢覺。夜寒重長安
紫陌。東風到戶。先情薄。吹老燈花半萼。

陸游

老來駒隙駉駉度。筭只合狂歌醉舞。金杯到手。君休
訴。看着春光又暮。○誰爲倩柳條繫住。且莫遣城笳
催去。殘紅轉眼無尋處。盡屬蜂房燕戶。

戀繡衾

漫興

陸游

不惜貂裘換釣蓬。嗟時人誰識放翁。歸棹借風輕穩。
數聲聞林外暮鐘。○幽棲莫笑蝸廬小。有雲山烟水。
萬重。半世向丹青看喜。如今身在畫中。

春晚

李大古

橘花風信滿園香。摘青梅猶自怕嘗。向綠密紅疎處。
喜相逢飛下一雙。○堪憐堪惜還堪愛。喚青歌推上。
繡窗。暗記得凭肩語。對菱花啼損晚粧。

摘紅英

比敘頭鳳少三疊字

惜花

張翥

鶯聲寂。鳩聲急。柳陰一片梨雲濕。驚人困。教人恨。待到平明。海棠應盡。青無力。紅無跡。殘香賸粉那禁得。天難準。晴難穩。晚風又起。倚闌爭忍。

臨江仙

第一體

和凝

海棠香老春江晚。小樓霧縠空濛。翠鬟初出繡簾中。麝烟鷺毳惹蘋風。碾玉釵搖鵲鵲頭。雪。鳳雲鬢將融。含情遙指碧波東。越王臺畔蓼花紅。

是珠拾
羽一輩人

此體始于
唐人送白
樂天席上
指物爲賦
然皆率意
口占無此
工妙

海棠無香昌州海棠獨香

一七令

花

楊慎

花摘錦鋪霞邀蝶隊聚蜂衙金環漢女寶髻吳娃風
前香掩冉月下影交加曲水名園幾簇宜春下苑千
家謝傅金屏成坐笑陳朝瓊樹不須誇

風

楊慎

風偃草飄蓬過竹院拂蘭叢柳堤搖綠花徑飛紅青
缸殘燄滅碧幌嫩涼通漆園篇中竿籟蘭臺賦裡雌

雄無影。迥隨仙客。馭有情。還與故人同。

月

楊慎

月霜凝冰潔。三五圓。二八缺。玉作乾坤。銀爲宮闕。如
鏡復如鈎。似環仍似玦。蘭閨少婦。添愁榆塞。征人怨
別。漢家一夕。影娥池。穆穆金波。歌未闕。

雪

楊慎

雪凝明。澄徹飛玉塵。布瓊屑。蒼雲暮。同嚴風曉。別深
山樵逕。封遠水。漁舟絕。南枝忽報梅開。北戶俄驚竹
折。萬樹有花春不紅。九天無月夜長白。

以兩字斷
以三字斷
明筆致寬
可語氣聯
而斯為妙
丁

河傳 第一體此調多錯落不同

溫庭筠

湖上。閒望。雨蕭蕭。烟浦花橋路遙。謝娘翠蛾愁不銷。
終朝夢。覓迷晚潮。○蕩子天涯歸棹遠。春已晚。鶯語
空腸斷。若耶溪。溪水西。柳堤。不聞郎馬嘶。

顧夘

曲檻春晚。碧流紋細。綠楊絲軟。露花鮮。杏枝繁。鶯囀
野蕪平似剪。○直是人間到天上。堪遊賞。醉眼疑屏
障。步池塘。惜韶光。斷腸。為花須盡狂。

顧 曼

燕颺晴景。小窗屏暖。鴛鴦交頸。菱花掩却翠鬟。欹慵
整。海棠簾外影。繡幃香斷金鸂鶒。無消息。心事空
相憶。倚東風。春正濃。愁紅。淚痕。和上重。

顧 曼

棹舉舟去。波光渺渺。不知何處。岸花汀艸。共依依。雨
微。鷓鴣相逐飛。○天涯離恨江聲咽。啼猿切。此意向
誰說。艤蘭橈。獨無憀。覓消小。爐香欲焦。

孫光憲

詞無如趙
雲之云愁
心字兩
併焦耶

方流成玉
圓流則珠

風颭波紋，圓荷閃閃，珠傾露點。木蘭舟上，何處越娃
吳艷。藕花紅照臉。○大堤狂殺襄陽客。烟波隔渺渺，
湖光白。身已歸心不歸。斜暉遠汀，鵲鵲飛。

閨選

秋雨秋雨，無晝無夜。滴滴霏霏。暗燈涼簾，怨分離。妖
姬不勝悲。○西風稍急，喧庭竹。停又續。臍臍懸雙玉。
幾迴邀約。雁來時，違期雁歸人不歸。

張泌

渺莽雲水，惆悵暮帆，去程迢遞。夕陽芳艸，千里萬里。

雁聲無限。○夢魂悄斷烟波裏。心如醉相見何處。
是錦屏香冷。無睡被頭多少淚。

江生作

劉基

江上風過水生紋。烟裏斜陽半暝。雨聲不堪客耳聞。
紛紛夢魂。迷斷雲。○夢斷天涯歸路杳。天欲曉殘月
窺窗小。木蘭舟。蘆葦秋汀洲。藕花相伴愁。

望遠行

李後主

碧砌花光照眼明。朱扉長日鎮長扃。餘寒欲去夢難

解裏肉解
邊毛千秋
同慨

累似三字
今

成爐香烟冷自亭亭。遼陽月秣陵砧。不傳消息但
傳情。黃金臺下忽然驚。征人歸日二毛生。

芳草渡

歐陽修

梧桐落。蓼花秋。烟初冷。雨纔收。蕭條風物正堪愁。人
去後。多少恨。在心頭。燕鴻遠。羌笛怨。渺渺澄波一
片山。如黛月如鉤。笙歌散。夢魂斷。倚高樓。

鷓鴣天

平詞一名思佳客

春閨

秦觀

枕上流鶯和淚聞新啼痕間舊啼痕一春魚鳥無消息
千里關山勞夢覓○無一語對芳樽安排腸斷到
黃昏甫能炙得燈兒了○雨打梨花深閉門○枕前作
唐小說舊日聞簫處高樓當月宮梨花寒食夜深
閉翠微中又李重元詞雨打梨花深閉門

鷺湖歸病起作

辛棄疾

枕簟溪堂冷欲秋斷雲依水晚來收紅蓮相倚深如
怨白鳥無言定是愁○書咄咄且休休一丘一壑也
風流不知筋力衰多少但覺新來懶上樓

東陽道中

辛棄疾

樸面征塵去路遙，香篝漸覺水沉消。山無重數周遭。
碧花石，知名知姓，嬌。人歷歷馬蕭蕭。旌旗又過小
紅橋。愁邊剝有相思句，搖斷吟鞭碧玉梢。

何必名花
乃配傾國

辛棄疾

有甚閒愁可皺眉，老懷無緒自傷悲。百年旋逐落花陰。
轉萬事，長看鬢髮知。溪上枕竹間棋。相尋酒伴懶
題詩。十分筋力誇強健，只比年時病起時。

離起鄣寧

辛棄疾

梁園之賦
豈能有此

水荇參差動綠波。一池蛇影噤羣蛙。因風野雀飢猶舞。積雨山梔病不花。○名利處。戰爭多。門前蠻觸自干戈。不知更有槐安國。夢覺南柯日未斜。

和傅先之賦雪

辛棄疾

泉上長吟我獨清。喜君來共雪爭明。已驚並水鷗無色。更怪行沙蟹有聲。○添爽氣。動雄容。奇因六出憶陳平。却嫌鳥雀投林去。觸破當樓雲母屏。

徐衡仲撫軒惠琴不受

辛棄疾

千丈陰崖百丈溪。孤桐枝上鳳偏宜。玉香落落雖難

合橫理庚庚定自奇○人散後月明時試彈幽憤淚
空垂不如却付騷人手畱和南風解慍詩

山谷聽摘阮歌云立壁庚庚有橫理

辛棄疾

自古高人最可嗟只因疎懶取名多居山一似庚桑

詩歌麻
韵通用

楚種樹真成郭橐駝○雲子飯水晶瓜林間携客更

烹茶君歸休知吾怕甚要知蟾兒曉起衙

辛棄疾

指計柔桑破嫩芽東隣蠶種已生些平岡細柳鳴黃

家在梨花
春在梨花
仁見謂仁
智見謂智

嶺斜日寒林點暮鴉○山遠近路橫斜青旗沽酒有
人家城中桃李愁風雨春在溪頭薺菜花

石門道中

辛棄疾

山上飛泉萬斛珠懸崖千丈落巖巖已通樵逕行還
碍似有人聲聽却無○閒畧約遠浮屠溪南修竹有
茅廬莫嫌杖屨頻來往此地偏宜著老夫

畧約木橋也

黃沙道中即事

辛棄疾

句裏春風正剪裁溪山一片畫圖開輕鷗自趁虛船
去荒犬還迎野婦回○松共竹翠成堆要擎殘雪鬪

才思
平

疎梅亂鴉。畢竟無才思。時把瓊瑤蹴下來。

稼軒又有句云。畢竟啼鳥才思短。喚回曉夢天涯遠。

元溪不見梅

辛棄疾

千丈冰溪百步雷。柴門都向水邊開。亂雲臘帶炊烟去。野水閒將日影來。○穿窈窕。過崔嵬。東林試問幾時栽。動搖意態雖多竹。點綴風流却欠梅。

讀淵明詩不能去手戲作小詞以送之

辛棄疾

胸中那可
有一事天
下放應雨
兩人惟放
翁詩配穆
軒詞

以佛書時莊子

晚歲窮耕不怨貧，隻雞斗酒聚比鄰。都無晉宋之間
事，自是羲皇以上人。○千載後，百篇存，更無一字不
清真。若教王謝諸郎在，未抵柴桑陌上塵。
此平聲

博山寺作

辛棄疾

不向長安路上行，却教山寺厭逢迎。味無味處求吾
樂，林石間過此生。○寧作我，豈其鄉，人間走遍却
歸耕。一松一竹真朋友，山鳥山花好弟兄。

有客慨然談功名，因追念少年時事戲作

辛棄疾

用珠玉金
銀散忌濃
俗若堯章
剪燭屢呼
金鑿落倚
窗間品玉
參差與此
並雅

壯歲旌旗擁萬夫，錦襜突騎渡江初。
燕兵夜娖銀胡虜，漢箭朝飛金僕姑。
追往事，嘆今吾，春風不染白髭須。
却將萬字平戎策，換得東家種樹書。
娖側角切

賦牡丹

辛棄疾

翠蓋牙籤數百株，楊家姊妹夜遊初。
五花結隊香如霧，一朵傾城醉未蘇。
閒小立，困相扶，夜來風雨有
情無。愁紅慘綠今宵看，恰似吳宮教陣圖。

寄葉仲洽

辛棄疾

是處移花是處開，古今興廢幾池臺。
背人翠羽偷魚

殊無味材
不材東西
晉大小山
等語如凌
雲臺錄兩
均平而常
隨風搖動

去抱藥黃鬚。趁蝶來。○掀老甕。撥新醅。客來且盡兩
盃。高盤饌。供何晚。市遠魚鮭買未回。

吳子似過秋水

辛棄疾

秋水長廊。水石間。有誰來共聽潺潺。羨君人物東西
晉。分我詩名大小山。○窮自樂。晚方閒。人間路窄酒
杯寬。看君不了癡兒事。又似風流靖長官。

代人贈別

向子諲

說着分飛。百種猜泥人。細數幾時回。風流可恨。曾孤
冷懷抱。如何得好開。○垂玉筍。下香階。並肩小語更

即使正
歸來與
荷異

堦、
再三莫遣歸期悞、
第一頻頻入夢來、

胡寅序向子諲酒邊詞云古樂府者詩之旁行也
詞曲者古樂府之末造也名之曰曲以其曲盡人
情耳唐人爲之最工柳耆卿後出掩衆製而盡其
妙及眉山蘇氏一洗綺羅香澤之態擺脫縹緲宛
轉之度使人登高望遠舉首浩歌而逸懷壯氣超
然塵垢之外于是花間爲皂隸而柳氏霸興臺矣
薌林居士步趨蘇堂而躋其裁者也以枯木之心
幻出葩華酌玄酒之尊棄置醇味非染而不絕安

能聚此○走晉曰伯恭相家子欽聖憲肅皇后從
姪適性極孝友置義莊贍宗族貧者其立朝忠節
胡安國張九成輩極嘉與之晚忤秦檜意乃致仕
卜築清江楊遵道故第繞屋植桂顏其堂曰薌林
自詠云須知道天教尤物相伴老江鄉又絕筆云
真香妙質不耐世間風與日豈米顛所謂衆香國
裏來衆香國裏去耶

鞦韆

向子諲

幾處秋千纈不收、花梢柳外出纖柔、霞衣輕舉疑奔

月寶髻傾欹若墜樓。○爭縹緲。闌風流。蜂兒蛺蝶共
嬉遊。朝朝莫莫春風裏。驚落梨花未肯休。

戲韓叔夏

向子諲

只有梅花似玉容。雲窗月戶幾尊同。見來照眼明如
水。欲去愁眉淡遠峯。○山萬疊。水千重。一雙蝴蝶夢
能通。都將淚作梅黃雨。盡把情爲柳絮風。

史達祖

搭柳闌干倚竹頻。杏簾蝴蝶繡床春。十年花骨東風
淚。幾點螺香素壁塵。○簫外月。夢中雲。秦樓楚殿可

憐身新愁換盡風流性。偏恨鴛鴦不念人。

晏幾道

醉拍春衫惜舊香。天將離恨惱疎狂。年年陌上生秋草。日日樓中到夕陽。○雲渺渺。水茫茫。征人歸路許多長。相思本是無憑語。莫向花箋費淚行。

晏幾道

小令尊前見玉簫。銀燈一曲太妖嬈。歌中醉倒誰能恨。唱罷歸來酒未消。○春悄悄。夜迢迢。碧雲天共楚宮腰。夢覓慣得無拘檢。又踏楊花過謝橋。

費字本于
學書紙費
學書人費

米句見宮
于伊川所
謂我見猶
憐也

晏幾道

小玉樓中月上時。夜來誰許月華知。重簾有意藏私語。雙燭無端憚暗期。○傷別易，恨歡遲。歸來何處驗相思。沈郎春雪愁銷臂。謝女香膏懶畫眉。

懷舊

蘇伯固

梅妬晨粧雲妬輕。遠山依約學眉青。尊前無復歌金縷。夢覺空餘月滿林。○魚與雁，兩浮沉。淺顰微笑總開心。相思恰似江南柳。一夜東風一夜新。

新弄蝶
無人試付
與東風來
和俗性
支離可飲
末句

養直幼時有屬玉雙飛水滿塘之句見賞于東坡

稱爲吾家養直坡集中有送伯固兄詩○紹興間
養直與徐師川同召師川赴養直隣師川造朝便
道過養直留飲甚歡二公平日對奕徐高于蘇是
日蘇拈一子笑曰今日須還老夫下此一着徐有
愧色

桃花菊

張孝祥

一種穠華別樣粧，畱連春色到秋光。解將天上千年
艷，翻作人間九日黃。凝曉露，傲清霜。東籬却似武
陵鄉。有時醉眼偷相顧，錯認陶潛是阮郎。

春思

嚴仁

病去那知春事深，流鶯喚起惜春心。
桐舒碧葉慳三寸，柳引金絲可一尋。
○憐繡閣對雲岑，苦無多力懶登臨。
翠羅衫底寒猶在，弱骨支離瘦不禁。

葭萌驛作

陸游

密爲頑仙
勝作才鬼

看盡巴山看蜀山，子規江上過春殘。
慣眠古驛常安枕，熟聽陽關不慘顏。
○慵服氣，嬾燒丹，不妨青鬢戲人間。
秘傳一字神仙訣，說與君知只是頑。

陸游

梳髮金盤剩一窩。畫眉鸞鏡暈雙蛾。人間何處無春。
到只有伊家占更多。○微步處。奈嬌何。春衫初換麝
塵羅。東鄰鬪艸歸來晚。忘却新傳子夜歌。

陸游

天地不仁
如是如是

家住蒼烟落照間。絲毫塵事不相關。斟殘玉瀝行穿
竹。卷罷黃庭臥看山。○貪嘯傲。任衰殘。不妨隨處一
開顏。元知造物心腸別。老却英雄似等閒。

薛公肅家席上作

陸游

南浦舟中兩玉人。誰知重見楚江濱。憑教後苑紅牙

二首絕妙
漁歌亦靈
約之寫言
半滄浪也

板引上西川綠錦茵。○纔淺笑、却輕顰。淡黃楊柳又
催春。情知言語難傳、恁不似、玉面迎真。

陸游

嬾向青門學種瓜。只將漁釣送年華。雙雙新燕飛春
岸。片片輕鷗落晚沙。○歌縹緲、勝嘔啞。酒如清露鮮
如花。逢人問道歸何處。笑指船兒此是家。

陸游

補脚紅塵已是顛。更求平地上青天。新來有箇生涯
別。買斷烟波不用錢。○沽酒市、採菱船。醉聽風雨擁

蘭舟

不奉主

鷓鴣天

三十四

簑眠三山老子真堪笑。見事遲來四十年。

獎春

黃昇

心閒境自清

沈水香銷夢半醒。斜陽恰照竹間亭。戲臨小池清圓
扇自揀殘花。挿淨瓶。○鴛鴦轉燕丁寧。晴波不動晚
山青。玉人只怨春歸去。不道槐雲綠滿庭。

張園作

黃昇

不能言而
能不言益
謂此

雨過芙蓉葉葉涼。摩挲短髮照橫塘。一行歸鷺拖秋
色。幾樹鳴蟬餞夕陽。○花側伴柳旁。相微雲澹月又
昏黃。風流不在談鋒勝。袖手無言味最長。

王實甫推
整素羅衣
之句與整
玉梭相類

黃庭堅

聞說君家有翠蛾。施朱傅粉總嫌多。背人語處藏珠履。覩得羞時整玉梭。○拖遠岫。壓橫波。何時傳酒更傳歌。爲君寫就黃庭了。不要山陰道士鵝。

蘇軾

羅帶雙垂畫不成。殢人嬌態最輕盈。酥胸斜抱芙蓉邊。月玉手輕彈冰水面。冰○無限事。許多情。西弦絲竹苦丁寧。饒君撥盡相思調。待聽梧桐葉落聲。

題太真出浴圖

高觀國

是十六夜
不可移易

寫出梨花雨後情。凝脂洗盡見天真。春從翠髻堆邊
見。嬌白紅絳脫處生。○天寶夢馬嵬塵斷。竟無復到
華清。恰如佇立東風裏。猶聽霓裳羯鼓聲。

中秋後一日借月意

高觀國

白玉樓臺知幾重。夜來望斷廣寒宮。一分年。闌嬋媚
影。二八尤宜冰雪容。○雲髻露。釵風水晶簾幙正
玲瓏。慙慙再爲天香醉。可惜清光付曉鐘。

贈別

劉鼎臣妻

金屋無人夜剪綰。寶釵翻過齒痕輕。臨行執手殷勤

送觀與蕭郎兩鬢青○聽囑付好看承千金不抵一時情
明年宴罷瓊林晚酒面微紅相映明

婺州劉鼎臣儼省試于行都其妻製彩花一枝贈之并侑以詞

寄李之問

聶勝瓊

玉慘花愁出鳳城蓮花樓下柳青青清樽一曲陽關

後別箇人入第五程○尋好夢夢難成有誰知我此

時情前淚共簷前雨隔簾窗兒滴到明

宋二句女郎徐明英詩

美成詞原珠都作秋宵按前兩派與前五不知其是是二

離別

無名氏

鎮日無心掃黛眉，臨行愁見理征衣。
樽前祇恐傷郎意，閣淚汪汪不敢垂。
○停寶馬，捧瑤卮，相對相勸忍分離。
不如飲待奴先醉，
○國得不知郎去時。

劉仲尹

樓宇沉沉翠幾重，
○輓轡亭下落梧桐。
川光帶晚虹垂雨，
○樹影涵秋鵲喚風。
○人不見，思何窮，
○斷腸。今古夕陽中。
碧雲猶作山頭恨，
○一片西飛一片東。

劉仲尹

參治翁而
得法者

璧月池南剪木樨，六朝宮袖窄中宜。新聲感巧蟬顰黛，纖指移簫雁著絲。○朱戶小，畫簾低，綰香輕，夢隔涪溪。西風只道悲秋瘦，却是西風未得知。

蔡松年

解語宮花出畫簷，酒尊風味爲花甜。誰憐夢好春如水，可奈香餘月入簾。○春漫漫，酒厭厭，曲終新恨到眉尖。此生願化雙瓊柱，得近春風煖玉纖。

蔡丞相伯堅與吳學士彥高金時並推號吳蔡體。蔡有銀屏小語，私分麝月春心一點之句，見詞品。

俱在名字
上發揮

贈妓珠簾秀

馮子振

憑倚東風遠映樓、流鶯窺面燕低頭、蝦鬚瘦影纖纖、
織龜背香紋細細浮。○紅霧歛、彩雲收、海霞爲帶月
爲鈎、夜來捲盡西山雨、不著人閒半點愁。

妓背微僂故馮以燕低頭及龜背月鈎寓意○首
二句一作十二闌干映遠眸、醉香空斷楚江秋、

楊立齋

烟柳風花錦作圍、霜芽露葉玉裝船、誰知皓齒纖腰
會只在輕衫短帽邊。○啼玉壓咽冰絃、五牛身去更

無傳詞人老筆佳人口。再喚春風到眼前。

青樓集云趙真真楊玉娥善唱諸宮詞楊立齋見
其謳張五牛商政叔所編雙漸小卿怨因作鷓鴣
天哨遍耍孩兒煞以詠之○按涵虛子評元詞楊
立齋如風烟花柳商政叔如朝霞散彩五牛不可
攷

夜落金錢

楊慎

曲閣飄蕭一夜風。名花零落玉銖紅。小歡有信占今
夕。買賦多情出後宮。○朝暮朶淺深叢翠。幃絲障錦

最奇確不
至其地者
不知

簾櫳漢江遊女愁多露春在昭陽日影中

西莊

楊慎

秋水澄清勝酒醅野烟籠樹似樓臺彈聲林鳥山和尚寫字寒蟲水秀才○乘興去興闌回夕陽影裏記徘徊正思修禊明年約無奈鳴騶得得催

山和尚卽山鵲水秀才漁中蟲名○僧貫休土蜀王建詩一瓶一鉢垂垂老萬水千山得得來建呼爲得得和尚楊遠庵句地凍馬蹄聲得得

漁舟

王世貞

蘋末風吹舴艋舟。邊寒村酒兩三甌。
蘼蘼藍天起魚鱗。鱗鱗畫溪穿燕尾。
流○無一事不知愁。綠蓑衣墊臥
舳頭。相逢莫詫無魚賣。自是平生用直鈎。

丹鉛錄曰：畫家有罨畫。雜彩色畫也。吳興有罨畫
溪。然其字當從𩺰。罨乃魚網。非其訓也。左思蜀都
賦：罨翡翠釣鯉魷。張泌詩：罨岸春濤打舳尾。罨魚
網遮岸也。

寄懷

王世貞

朔雨零霜船棹歸。玉顏初醒帶寬垂。
客殘吳苑千金

笑儂損成都十樣眉。○能幾日。又分離。別來疑夢復疑非。莫將心向天公語。天上雙星會幾時。

客殘一作閣殘儂損一作低損。○蜀中大慈寺畫

明皇按樂十眉圖。一鴛鴦。二小山。三五岳。四三峯。

五垂珠。六月稜。七分梢。八烟涵。九拂雲。十倒暈。

離別

高深甫

休向燈前泣雁魚。雁魚何處解傳書。耽心病久心應碎。惹淚情多淚亦枯。○離別恨。幾時無。驚。覓。風。裏。絮。相扶。此心雖醒常如夢。夢裏翻憐醒不如。

系相扶勿
忽之句情
不可以理

繪風第一

辛

秋風

文徵明

拂草揚波復振條，白雲千里雁行高。
時飄墜葉驚寒雨，還入長松捲夜濤。
情漠漠，意蕭蕭，綠帷紈扇總無聊。
潘郎愁鬢添清雪，滿鏡蕭疎怕見搔。

聞張子蓋捷報

徐渭

試選蛾眉幾許長，纖纖侵入鬢雲黃。
天邊奪得初三月，鏡裡描來第一雙。
真國色，好天香，安排枕席待君王。
越溪多少蓮舟女，老却朱顏不嫁郎。

詠繡鞋

周憲王

女長終于放
棄此詞為戲

花簇香鈎淺浣塵輕風微露絳羅裙金蓮自是慙三
步難載盈盈一段春○仙已去事猶存陽臺何處訪
朝雲相思攜手遊春日尚帶年時草露痕

憲王有誠齋錄七卷成于宣德六年其詠牡丹梅
花玉堂春七言律各百首又著雜劇數種宮人夏
雲英亦有端清閣詩一卷計六十九篇

瑞鷓鴣

佳遇

賀鑄

月痕依約到西廂曾羨花枝拂短牆初未識愁那得

他人以絮
此郎便有
許多愁意
此却以諸
浪出之

淚每疑是夢、奈餘香。○歌逢嫋處、眉先嫵、酒半酣時。
眼更狂、脚倚繡簾、吹柳絮、問人何似。冶游郎、冶一作

觀潮

蘇軾

碧山影裏小紅旗、儂是江南踏浪兒。拍手欲嘲山簡
醉、齊聲爭唱浪婆辭。○西興渡口帆初落、漁浦山頭
日未歛。儂送潮回歌底曲、樽前還唱使君詩。

歐陽修

月惟有情
故能圓月

楚王臺上一神仙、眼色相看意已傳。見了又休還似
夢、坐來雖近遠如天。○隴禽有恨猶能說、江月無情

惟不能常
圓故有恨

薛稷
也解圓。更被春風送惆悵。落花飛絮兩翩翩。

落梅

尤袤

清溪西畔小橋東。落葉紛紛水映空。五夜客愁花片裏。一年春事角聲中。○歌殘玉樹人何在。舞破山香曲未終。却憶孤山醉歸路。馬蹄香雪襯東風。

西王母宴羣仙有舞者戴豸光帽帽上挿花舞山
香一曲曲未終花皆落去○楊萬里誠齋與尤袤
延之爲金不交背善謔延之嘗言有一經句請秘
監對曰楊氏爲我誠齋應聲曰尤物移人楊戲呼

尤爲螭蚌尤呼楊爲羊一日食羊自屠筵之日祕
監錦心繡腸亦爲人所食誠齋笑吟曰有腸可食
何須恨猶勝無腸可食人蓋俗稱蟹類爲無腸公
子也延之卒誠齋祭文云齊歌楚此萬象爲挫瓊
瑋詭譎我倡公和放浪諧謔尚友方朔巧發捷出
我嘲公醉

京口有懷山中故人

辛棄疾

暮年不賦短長詞和得淵明數首詩君自不歸歸甚
易今猶未足足何時○偷閒定向山中老此意須教

西土禪機
南華秘旨
合之雙美

崔輩知聞道只今秋水。故人曾榜北山移。

京口病中起登連滄觀偶成 辛棄疾

聲名少日畏人知。老去行藏與願違。山草舊曾呼遠志。故人今有寄當歸。○何人可覓安心法。有客來觀杜德機。却笑使君那得似。清江萬頃白鷗飛。

京師妓

少年曾侍漢梁王。濯錦江邊醉幾場。拂石坐來衫袖冷。踏花歸去馬蹄香。○當初酒釵寧辭滿。今日閒愁不易當。暗想勝遊渾似夢。芙蓉城下水茫茫。

詠柳

楊慎

句工對
似散行

垂楊垂柳管芳年。飛絮飛花媚遠天。金繭拖春寒食。後玉蛾翻雪暖風前。別離江上還河上。拋擲橋邊與路邊。游子竟銷青塞月。美人腸斷翠樓烟。

自注云柳有絮有花詞人例多謬稱余之此篇殆析體物

古今詞統卷七終